

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Allaffeqarfimmit paasissutissiineq**

**Imm. 3.2 Utoqqarnik nivaattamik aputaajaassinermit aammalu takornarissanut illuaqqanik nakkutilliinermit ilassutitut aningaasaliineq.**

**Imm. 6.1 Paasissutissut, Siulittaasup aaliangernera: 2022-mut Akigititat, Teknikki Pilersuinerlu**

**Imm. 6.2 Paasissutissiissut Siulittaasup aalajangiinera, kukkunersiuisut nalunaarutaat 38**

**Imm. 6.3 Paasissutissiissut, Siulittaasup aaliangernera: Maniitsumi Kalaalimineerniarfiup malittarisassaanik allannguiineq.**

**Imm. 08 Tamalaat**

Ataatsimiinneq allartippoq nal. 13.00

Ataatsimiinneq naavoq nal. 14.45

**Peqataasut:**

***Inuit Ataqtigiit***

***Siumut***

Gideon Lyberth  
Aqqalu Skifte  
Barnabas Larsen

***Inuit Ataqtigiit***

***Naleraq***

Karl Lyberth

***Nalunaaruteqarlutik peqataannngitsut:***

Nivi H. Efraimsen

***Nalunaaruteqaratik peqataannngitsut:***

## **Imm. 01 Oqaluserisassat akuersissutigineri**

Akuersissutigineqarput.

Imm. 3.1 peerneqarpoq, ataatsimiititaliallu tullissaani ataatsimiinnissaani suliarineqassaaq.

## **Imm. 02 Allaffeqarfimmit paasissutissiineq**

### Sisimiut

Maannakkut TAI allafeqarfiani atorfiit pingasut inuttaqanngillat. Illuutinin nakkutilliisutut atorfik qinnuteqartumik isumaqatiginninniutigineqarpoq. Ingerlatsinermit pisortamut qinnuteqartoqarnikuunngilaq aammalu pisortatut atorfimmu qinnuteqartuni piukkunnartoqarnikuunngilaq. Atorfinnut marluusunut allagarsiusseqqittoqassaaq. Kommunip sannavianit formanditut atorfik inuttassarsiuunneqarpoq, 30.11.2021 killilerlugu.

Qivarfiup aamma Eqqaavimmu aqut akornanni aqqusineq sioraannaasoq maannakkut piareerpoq aammalu sanaartortitsisumiit immikkoortumi sanaartornissanut pilersaarut utaqqineqarpoq.

Eqqaavimmu aqqummi aamma Nikkorsuarni kommunip umiatsianut qaqitsivii marluk nutaat atorineqalerput.

Maannakkut Qimmeqarnermut Qitsuuteqarnermullu inatsimmu tusarniaanermi akissuteqaamik suliaqartoqarnissaa suliarineqarpoq.

### Maniitsoq

Eqaavissuarmi inittorsaneq/torsaaneq ingerlanneqarnikuuvoq naammassillunilu. Maskinaq atornikuusaat Sermersooq Kommunianiit utertinnikuuvoq Paamiunullu tikereersimasooq paasitinneqarpugut.

Ivissuit kloak nutaaq naammassinikuuvoq. Illut arlariit attanireersimasut paasitinneqarpugut aamma klaok stikledning arealtidelinginik pereerput soorlu illut arfinillit attaviqalereerput.

Ivissuup nua Jenserlaap aqutaa aamma hovedkloak naammassinikuuvoq aamma tassani arealtidelingit sisamat pereerput attavinillutillu marluk.

Maniitsumi iliveqarfissaaq siorqanik immereerpoq. Annertulaartumik soorlu arealia ilasimagaluaramikku iluarsitipparput areal projektimi allagaq eqqornerusoq atuutilerpoq.

Kangaamiuni aqqusiniliornermut atortussat apuutereerlutik qaartiterineq ingerlannikuuvaat. Massakkut qoorumut apuullutik sangoriaanut.

Napasumi talittarfimmi kran-issaaq piniarnikuuvoq tikikkuni ikkusoriartussavaat suliffeqarfik Sisimiuniittumiit.

Atammimmi aqqusinilerinermut tunngasoq inissisimanagera paasiuminaannikuugaluarami atortussat sioqat ujaqqallu kingaattoornikuugamik massakkt neriorsuiqqinnikuuvoq tikiunneqarnissaannut. Ilitsivissaalu allangortilaarnikuuvarput iliveqarfiup tungaanut inissinneqassasut. Saniatigut aamma piniarnikuuvugut ujarassuarnut sakkuusinnaasunik soorlu ujaqqanut qulluutit.

Sanaartukkat anginerit soorlu 12 personaleboliger Ungusivik ingerlavoq kinguartornikuugaluarlutik. Tamaasa silataai matunikuupput illup qaavani pappiliarsuaata katinneri milittornikuuvaat massakkt. Kloakip aqcutissaa immeqqammerpoq ujaqqanik iliveqarfissap atortukuiisaniit immerlugu. Taava familiecenterimi suliaq arriitsumik ingerlavoq nutaanillu kinguaattoorutunik saqqummertoqarluni soorlu suliffeqarfiup allaffiginikuusatta suliat ilaai aatsaat ingerlanniarsaralugit. Familiecenteri nutaaq qaammatinik soorlu sisamanik tallimanik missaannik kinguartooqqavoq. Ikaartarfik Annertusoq ukiut pingasussaa ingerlanikoq massakkt neriorsuipput Permagreen sapaatsip akunnerata tulliani ammarnissaa. Taanna ullumi ataatsimiinnerup kingorna ataatsimiinneq naammassimmat paasitinneqarpugut.

Sisorartarfiup Annersuarmitupp sisoraatinik majuartaat naalissinneqarpoq pissutigalugu siorna apisarnera ajortarami atornissaanullu iluatsissinnaanani. Massakkt piareersarnikuuvaat apummut asseqtalerlugu katersuuffissaqalersitillugu apisarnissaa majuartaap nalaa anguniarlugu.

Tassa taakkua piareersarfigilaarnikuusakka saqqummigassatut. Allaniq tunngasut soorlu kalaalimineerniartarfimmut tunngasumut paasitinnikuunnginnama oqaaseqarfiginngilara taanna.

### **Imm. 3.2 Utoqqarnik nivaattamik aputaajaassinermit aammalu takornarissanut illuaqqanik nakkutilliinermut ilassutitut aningaasaliineq.**

Journalnr 06.03.01, Ingerlatsineq.

#### Tunuliaqutaq

Kommunalbestyrelsip ataatsimiinnermi 05/2019-imi aalajangiivoq, majuartateqarfiup ingerlanneqarnera tigoqqinneqassasoq. Tassunga atatillugu utoqqaat innarluutillillu nivaattamik aputaajaassinermit atorfik ataaseq majuartaatip ingerlanneqarneranut nuutinneqarpoq, aammalu takornarissanut illuaqqanik + avatangiisinik nakkutilliisunit atorfik ataaseq majuartateqarfimmut nuunneqarluni. Ilutigisaanik utoqqaat innarluutillillu nivaattamik aputaajaassuttarnissaat qulakkeerneqassasoq aalajangiunneqarpoq.

#### Maleruagassatigut tunngavigisaq

Karseqarnermut naatsorsuuserinermullu maliittarisassat. TA ingerlatsinermit tunngasunut matumani aputaajaanermut avatangiisillu nakkutilliivigineri ilanngullugit akisussaasuvoq. Utoqqarnut innarluutillinnullu tunngasunut Atugarissaanermut Ataatsimiititaliaq akisussaasuvoq.

#### Pissutsit atuuttut

Atorfinnik marlunnik teknikkimut ingerlatsiveqarfimmit majuartateqarfimmut nuussinerup kingorna, nivaattamik aputaajaanermut, takornarissanut illuaqqanik nakkutilliinermut imaluunniit avatangiisinik nakkutilliinermut tunngasuni sulisussaarunnikuvoq.

Utoqqaat innarluutillillu nivaattamik aputaajaassuttarnissaat qulakkeerneqassasoq Kommunalbestyrelsip aalajangiiffiginikummagu, nivaattamik aputaajaassisarneq sulii ingerlanneqartarpoq, tamannalu 2020-21-mi ukiukkut, akunnernut suliffiusunut 2625-usutut nalunaarsugaapput, atorfimmik amerlassusiliinermik 1,3-mut aamma 341.000 kr.-inik naleqartumik.

Atugarissaanermut immikkoortortamit inuit 78-it nivaattamik aputaajaassunneqartartussatut innersuunneqarnikuupput. Nivaattamik aputaajaaffiusartut najugaqarfiit aamma akunnerit suliffiusut atuiffigineri pillugit allattugaatit, matumani ilanngussatut ilaatinneqanngillat, paasissutissanik inunnut ataasiakkaanut tunngasunik imaqarmata. Nalinginnaasumik suliffiusup ingerlanerani nivaattamik aputaajaassinerit taamaallaat ingerlanneqartartut allatorneqarnikuupput, nalinginnaasumillu suliffiup avataatigut nivaattamik aputaajaassunneqarnissamik pisariaqartitsisunik innarluutillit arlalialuit Atugarissaanermut immikkoortortamit aamma sullitaqarput.

Takornarissanut illuaqqanik nakkutilliinermut akunnerit 600-t missaaniittut atorneqarsimapput, kommunip sulliviani majuartateqarfimmilu sulisunut ataatsimoortumik atorneqarsimasut kiisalu avatangiisinik nakkutilliisunit akunnerit 50-it missaaniittut atorneqarsimallutik, atorfimmik 0,3-p missaaniittumik aamma 85.000 kr.-inik naleqartumik.

Ukioq manna akissarsianut atuineq katillugit 426.000 koruunit missaanniipput, suliassanut atorfiit 1,6-it missaaniittunik naleqarlutik, taakkunganna atorfiit marluk peerneqarnikuusimallutik.

#### Atuilluartuunissakkut kingunerisinnaasai

Utoqqaat innarluutillillu nivaattamik aputaajaassuttarnerannik qulakkeerinissaq kiisalu avatangiisinik nakkutilliineq kommunip suliassarai.

Takornarissanut illuaqqanik ingerlatsinermit kommunip tapiissuteqartarnissaa inatsisitigut pisussaaffiunngilaq.

Aningaasaqarnikkut allaffissornikkullu kingunerisinnaasai

Utoqqaat innarluutillillu nivaattamik aputaajaassuttarnerannik ingerlatiinnarnissaata qulakkeerinissamut, atorfinnik 1,3-nik inuttaqartunik piumasqaateqarpoq, ilassutitut aningaasaliissutinik ukiumut 341.000 koruuninik naleqartunik. Tamanna ukioq manna akissarsianut aningaasartuutaasimasut naligaat, ilassutitut aningaasaliiffigineqartussatut qinnutigineqarlutik. Utoqqaat innarluutillillu nivaattamik aputaajaassuttarnerannik qulakkeerinerup ingerlaannarnissaanut, atorfinnik taanna pisariaqartinneqarpoq taamaalillunilu 2022-mut missingersuutitut ukiunullu missiliuteqarfiusunut ilassutitut aningaasaliissutit 341.000 koruunit aamma inissinneqartariaqarlutik.

Nalinginnaasumik suliffiup avataani nivaattamik aputaajaassutsinnissamut pisariaqartitsisut innarluutillit qulit inorpaat, qaangiuttoornermilu tapit aamma sapaammi nalliuttunilu akissarsiat ilanngullugit 35.000-it missaaniittunik aningaasartaqassallutik.

Avatangiisinik nakkutilliinermut taamaallaat akunnerit 50-it missaanniittut atorpeqarsimapput, akissarsianut aningaasartuutit 7.000 koruunit missaannik naleqartut, taamaammallu tamanna aningaasartakitsutut taaneqarsinnaavoq, Teknikkikkut Ingerlatsinermi atugassat atorlugit akilersorneqarsinnaalluni.

Atorfimmut amerlassusiligaangitsumut takornarissanut illuaqqanik nakkutilliinermut atatillugu akissarsianut ukioq manna 78.000 koruuniusunik aningaasartuuteqartoqarsimavoq, ilassutitut aningaasaliiffigineqartussatut qinnutigineqarlutik.

Takornarissanut illuaqqanik nakkutilliineq, ukiuni tulliuuttuni kommunip sulliviani / majuartaateqarfimmi sulisunik atueqqinnikkut, ukiumi 2022-mi tulliuuttunilu matumunnga 78.000 koruuninik ilassutitut aningaasaliisoqartariaqarpoq.

Allaffeqarfiup naliliinera

KB 05/2019-im allassimasutut nivaattamik aputaajaanermut akiligassiisoqarsinnaavoq, aputaajaanermulli akiligassiissut TAI-mit Atugarissaarnermut immikkoortortamut nassiussisoqarneranik kinguneqarsinnaavoq, malitsigisaanillu ilassutitut aningaasaliissutinik qinnuteqartoqassalluni. Tamanna allaffisornikkut suliasartaqartorujussuussasoq nalilerneqarpoq, aammalu nivaattamik aputaajaasarnermut kommunip aningaasartuutaa peerneqarani nuuginarneqassalluni.

Ukioq kingulleq aputip annertussusaa nalinginnaapajaartutut isigineqarpoq, taamaattumillu nivaattamik aputaajaanermut akunnernut atukkat nalinginnaallutik. Aappaattut ukiumiit ukiumut aputit qanoq issusaat apeqqutaalluni aputaajaalluni suliasat nikararsinnaasorujussuupput.

Takornarissanut illuaqqanut nakkutilliinermut atorfik nuunneqarnikummat, Kommunip sannavianit / Majuartaateqarfimmit sulisunit takornarissanut illaqqanik nakkutilliisoqassanngilaq, tassunga siunissami 78.000 koruuninik ilassutitut aningaasaliisoqanngippat.

Aputaajaasarnerup annertussusaata killilernissaanut suliffiup nalinginnaasup ingerlanerani amerlanerpaamik sumiiffiit 78-iukkajupput. Suliffiup nalinginnaasup avataani aamma sapaatit nalliuttunilu aputaajaanermut annertussuseq killilerniarlugu, taakku 78-it innersuunneqartut akornanni amerlanerpaamik sumiiffiit 10-usarput.

Aputaajaanermut sumiiffiit 78-inik amerlanerusut innersuunneqassappata, ilassutitut aningaasaliissutissanik qinnuteqartoqassaaq, Atugarissaarnermut immikkoortortamiilli inuit innersuunneqartut ikilisinnissai periarfissaavoq, taamaalilluni summiiffiit 78-it qaangerneqaratik.

Teknikkeqarnermut avatangiisinullu immikkoortortap innersuussutaa

Teknikkeqarnermut avatangiisinullu immikkoortortap Teknikkeqarnermut ataatsimiititaliamut malitsigisaanillu Aningaasaqarnermut ataatsimiititaliamut Kommunalbestyrelsimullu innersuussutigaa, ukioq manna pisumut ilassutitut aningaasaliisoqassasoq, ukiunullu aggersunut sullissinerup qaffasissusaa imaaliornikkut paariinnarneqassasoq:

Nivaattamik apujaasarnermut aamma takornarissanut illuaqqanik nakkutilliinermut sulisunut aningaasartuutit suliarineqartunut Kommunip sannavimmut Majuartaateqarfimmullu 2021-imi ilassutitut 419.000 koruuninik aningaasaliissuteqartoqassasoq.

- 1) Suliffiup nalinginnaasup iluani utoqqarnut innarluutilinnullu 78-inut nivaattamik aputaajaasarnermut ukiumut 2022-mut siunissamullu ilassutitut 341.000 koruuninik aningaasaliissuteqartoqassasoq.
- 2) Suliffiup nalinginnaasup avataani innarluutilinnut amerlanerpaamik 10-nut nivaattamik aputaajaanermut 2022-mut siunissamullu ilassutitut 35.000 koruuninik aningaasaliissuteqartoqassasoq.
- 3) Takornarissanut illuaqqanik nakkutilliinermut 2022-mut siunissamullu ilassutitut 78.000 koruuninik aningaasaliissuteqartoqassasoq.

**Aalajangiineq:**

Ilassutitut aningaasaliissutit siuliiniittut sisamat tamarmik akuersissutigineqarput.

ilanngussaq 1: Ilassutitut aningaasaliinermut atuiffinnut nodet XL-ark-it.

## **Imm. 6.1 Paasissutissut, Siulittaasup aaliangernera: 2022-mut Akigititat, Teknikki Pilersuinerlu**

### **Journalnr. 72.00.05**

#### Tunuliaqutaq

2022-mut missingersuutit akuerineqarnissaanut atatillugu kommunip ukiumut akigititai aalajangersarneqartussaapput, tassunga ilanngullugit sulianut nutaanut allannguuteqartunulluunniit akigititat. Teknikkimut Avatangiisinullu Immikkoortortap ataani akigititat Teknikkimut Avatangiisinullu Ataatsimiititaliamut atuupput.

Akit pissutsinut atuuttunut naapertuunnersut qulakkeerniarlugu akit ataavartumik nalilersorneqartarput.

#### Maleruagassatigut tunngavigisaq:

Missingersuutit akuersineq ilutigalugu akigititat akuersissutigineqartussaapput, ukiumilu missingersuusiorfusumi atuutissallutik.

#### Pissutsit atuuttut

2021-mut akigititat atuuttut ilanngussaq 1-imi qernertumik nalunaarsorneqarput.

Nunaminertanut sanaartornermullu sullissinermut akigititat 2011-mili allangortinneqarnikuunngillat, tamatumalu kingorna isumaqatiginninniarnert arlallit ingerlanneqarnikuullutillu akissarsiat qaffariaateqarnikuupput.

Qeqqata Kommuniata saviminikunut akigititai, kommuninit allanit qaffasinnerunerat pillugu, Kalaallit Nunaanni Sulisitsisunit naammagittaalliuutigineqarnikuuvoq.

Entrepreneurinut sullinneqarnermut akit, iluarsartuussinermut, annanik kueraavimmut, ikuaallaavimmut asfaltimullu bitumen-imik pisiniarnermut akit ukiuni kingullerni annertuumik qaffariaateqarnikuupput.

#### Atuilluartuunikkut kingunerisinnaasai

Entrepreneurinut sullinneqarnermut akiliisarnermut nalimmassaataasumik akigitaqassappat, innuttaasunit tamanut imaluunniit suliffeqarfinnut akigititanit isertitanit kommunip aningaasartuutai nalimmassarneqartariaqaraluarput.

#### Aningaasaqarnikkut allaffissornikkullu kingunerisinnaasaai

Una innersuussut eqqaavilerinermi anartarfilerinermilu kisimi tunngassuteqanngilaq, aammali Sisimiuni eqqagassanik suliaqarnerup sinneranut, eqqagassalerinermi pilersaarutikkut anguniagaammat eqqagassanik suliaqarneq immikkut aningaasartuuteqassanngitsoq, taamaalillunilu eqqagassanik suliaqarnermut tunngatillugu naleqassusaa tamarmi isigineqarluni, uani immikkoortortanit 562040300, 562040700, 562040800, 563030300, 563030700 aamma 563030800-mit ingerlanneqartussamik.

Qeqqata Kommunianut eqqagassalerinermut pilersaarut politikikkut akuerisaasoq anguniagaqarpoq "mingutsitsisoq akiliissaq", taamaalilluni eqqagassalerinermik suliaqarneq tamarmi immikkut aningaasartuutaanngitsumik ingerlanneqassalluni.

Isertitanut sanilliullugu aningaasartuutit tulluarsarneqarnissaat pillugu anguniakkat anguneqarnissaasa tungaanut, akitigitanik ukiut tamaasa 10 procentimik qaffaasarnissamik aamma kommuni maleruagaqarpoq.

Toqqaannartumik anartarfiit puussiartaannik anartarfilerivimmukaassinermut akip kattutsissinnaaneranut periarfissaqarnissaq pisariaqarpoq. Tassani takuneqarsinnaavoq soorlu Kangerlussuup Sisimiullu akornanni aqqusinniornermut tunngatillugu sammisat allat aamma aallartinneqartut, tassunga atatillugu aqqusineq sinerlugu illuaqqanit inuutissarsitugaluguluunniit ingerlanneqartunit ananik eqqaanermut malitassat aalajangersarneqartut. Tassani anartarfinnit annartarfiit puussiartaanik eqqaanissamut akinut periusissanullu aalajangersagaqarnissaq pisariaqartoq.

Saviminikunut wire-nullu akit kommunini allani akinut assigiissarlugit naleqqussarneqarput.



### Allaffeqarfiup naliliinera

Tassani TAI ataani atuiffimmut akigititani allannguutissanut siunnersuutissanut tunngavissanik pilersitsisinnaasunut, akit oqaasertaliussassallu ataani ingerlanneqarput.

Ilangussaq 1-mi allaffeqarfiup 2022-mi akigititassatut siunnersuutigai. Allannguutit aappalaartumik allaqqasut tassaapput Teknikkimut Avatangiiisinullu immikkoortortaqaqarfimmit allannguutissatut siunnersuutit pisariaqartinneqartut.

Eqqagassalerinermut immikkoortumi, eqqagassanik anartarfinnillu imaarsisarnerit kiisalu eqqagassalerinermut allanut akigititat 10 procentimik qaffariaateqassapput. Kommunnip eqqagassalerinermut aaqqissuussaa aallaavigalugu innuttaasut eqqagassaataannik katersineq kiisalu ikuallaavimmi eqqagassanik ikuallaasarnerup akornani maannamut akigititat toqqaannartumik attuumasuteqanngillat. Ukiut ingerlanerini ikuallaavik atuivallaartumik inissisimavoq, tassani missingersuutitigut eqqakkanut akitsuutinit kiassarnermullu tunisinermit isertitat isumalluutaasimallutik. Eqqagassalerineq maannamut ikuallaavimmut akitsuutitut inissinneqarnikuunngilaq/naatsorsuutitut allanneqarnikuunngilaq.

Eqqakkanik imaarsinermi akiliutaasartut ima inissinneqarnikuupput, kommunip isumaqatigiissusiorfigisaanut entreprenørinermut akiliuteqarnermi aningaasartuutitut matussusiisuullutik. Qaffaaneeq eqqagassalerinermut, nunaqarfimmit assartuinerimut eqqakkanillu ikuallassinnaasunik ikuallaanerimut aningaasartuutitut matussusiinissamik qulakkeerinnittuussaaq.

Anartarfinnik imaarsinermi akit suliarinnittussatut akisussaasumut suliariumannittussarsiuunneqareernerani atuutissapput. Anartarfinnik imaarsinerimut kinguneranilu eqqarneqarnissaannut atuisut akiliutaat, katersinermi tamatumalu kingorna eqqarneqarneranut entreprinørinut kommunip akiliutigisartagaanit appasinnerujussuupput.

Eqqagassalerinermut anartarfilerinermullu akigititat allanngortinneqartut kiisalu ikuallaavimmut akitsuutit ilanngussaq 1-imi - 2022-mut akigititassatut siunnersuutini takuneqarsinnaapput.

Kommunip kuuffissuarnut misissuutaata attartortinnerani aki ullormut aquttoqartinnagu 900 koruuninit, akunnermut 200 koruuninut allanngortinneqassaaq. Tamatumunnga ilanngunneqassaaq, tamanna Sisimiuni taamaallaat pisinnaammat.

Sanaartornerimut nunaminertanillu sullissinermi akigititat piffissami sivilisungaaatsiartumi naleqqussarneqarnikuunngillat. Akigititat akiligassamut ataatsimut 100 koruuninik qaffanneqarnissaa siunnersuutigineqarpoq, tamannalu ilanngussaq 1-imi aamma allasimalluni. Tamanna ukiuni kingullerni sullissisunut akissarsianik qaffaasoqarsimaneramik patsiseqarpoq, kiisalu akigititani akiligassanik anillatsitsilernerimut allaffeqarfimmut akissarsianut aningaasartuutit ilanngunneqarnek ajorlutik.

Sisimiuni majuartaammi bussinullu billetsinik assigiinngitsunik pisinerimut akigititat annerpaamik 10 procentimik qaffariaateqassapput, tassanilu sullissinerup sivikinnerunissaa tunngavigalugu, akit aalajangersarneqarnerani utertussat ajornanngisaarnerunissaat eqqarsaatigineqarput.

Sisimiuni bussinut billetsit qaffanneqarneranut, bussinik marlunnik nutaanik pisinerimut aningaasartuutitut tunngaveqarpoq.

Pingaarnertut akigititat tassaapput eqqakkanik anartarfiillu puussiaanik katersisarnerimut kommunip aaqqitaanut akisut. Kangerlussuarmi Maniitsumilu bussinut akit allanngortinneqassanngillat, entreprenørinut isumaqatigiissut, billetsit akii ilanngullugit, 2022-mi aamma atuummat.

Ingerlatsinerimut aningaasartuutit immikkut aningaasartuuteqannginnissaanut, bussinik ingerlatsinerimut, majuartaammut, asfalteqarnerimut, eqqagassalerinermut anartarfilerinermullu kiisalu ingerlattanut allanut

aningaasartuutit kommunimit matussusernissaanut, akigititat siunnersuutigineqartut qulakkeerinninnissaat nalilerneqarput.

**Siulittaasup aaliangiinissaanut innersuussut:**

Teknikkimut Avatangiisinullu ataatsimiititaliaq sinnerlugu siulittaasumit aalajangiinissamut allaffeqarfimmit innersuussutigineqarpoq, immikkoortumut Teknikk atuiffik 2 aamma Pilersuineq atuiffik 6-mut 2021-mi akigititassatut siunnersuutit akuersissutigineqarnissaanut, Aningaasaqarnermut ataatsimiititaliamut Kommunalbestyrelsimmullu innersuussutigineqassasoq.

- Ilanngussaq 1-imi akigititanut allannguutit akuersissutigineqassasut.
- Kingornalu Teknikkimut Avatangiisinullu ataatsimiititaliap tullissaanik ataatsimiinnissaanut paasissutissiissutigineqassasoq.

**Teknikkeqarnermut Ataatsimiititaliamut Innersuussut:**

Allaffeqarfiup innersuussutigaa Teknikkeqarnermut Ataatsimiititaliap, Aningaasaqarnermut ataatsimiititaliap aamma Kommunalbestyrelsip, Siulittaasup aalajangiinera 13.10.2021 akuersissutigissagaat:

- Ilanngussaq 1. 2022-mut akigititassatut siunnersuutit **akuersissutigineqassasoq**

**Aalajangiineq:**

Paasissutissiisut tusaatissatut tiguneqarpoq.

---

**Ilanngussat:**

1. 2022-mut akigititassatut siunnersuut

## **Imm. 6.2 Paasissutissiissut Siulittaasup aalajangiinera, kukkunersiusut nalunaarutaat 38**

### **Journalnr. 06.04.**

#### Tunuliaqutaq

Teknikkimut Avatangiisinullu Immikkoortoqarfik 2021-mi oktobarip qulingani Aningaasaqarnermut immikkoortortamit ukiumut naatsorsuuseriorfiusumut 2020-mut kukkunersiusut nalunaarutaanut 38-mut tunngatillugu apeqquteqaammik tigusaqarpoq. Akisuut akuerisaasoq Aningaasaqarnermut immikkoortortamut ulloq 1.11.2021 nallertinnagu utertinneqassaaq.

TAA-p tullissaanik 2021-imi novembarip arfineq-pingajuanni ataatsimiissaaq, taaamaammallu siulittaasumit aalajangiivigineqartariaqarluni.

#### Maleruagassatigut tunngavigisaq:

Karseqarnermut naatsorsuuserinermullu malittarisassat. Teknikkimik ingerlatsineq, Pilersuineq, Pilersaarusionerq Sanaartornermullu tunngasut TAA-mit akisussaaffigineqarput.

#### Pissutsit atuuttut

Teknikkimut tungasuni kukkunersiusut oqaaseqaataat ilanngussaq 1-miit qernertumik allaqqasoq kukkunersiusut nalunaarutaat 38-mit tigulaagaalluni allataavoq.

Malugeqquneqassarli illunik tunisisarneq TAI-miinngimmat TA-millu aalajangigassaanani.

#### Atuilluartuunissakkut kingunerisinnaasai

Sunniuteqassanngilaq.

#### Aningaasaqarnikkut allaffissornikkullu kingunerisinnaasai

Missingersuusionermit kukkunersiusut maleruagassat innersuutaallu malinneqassapput.

#### Allaffeqarfiup naliliinera

Allaffeqarfimmiit akissut ilanngussaq 1-mi allassimasvoq.

#### Teknikkimut Avatangiisinullu ingerlatsiviup innersuussutaa

Teknikkimut Avatangiisinullu immikkoortortap innersuussutigaa siulittaasumit malitsigisaanillu Aningaasaqarnermut ataatsimiititaliamit aalajangiivigineqassasoq aammalu Teknikkimut ataatsimiititaliamut ilisimatitsissutigineqassasoq.

Ukiumut naatsorsuuseriorfiusumut 2020-mut tunngatillugu tikeraarnermi allakkiaq 38-mi tigulaakkami akissuteqaat aappaluttumik allassimasoq ilanngussaq 1-mi ilanngunneqartoq akuersissutigineqassasoq.

### **Teknikkeqarnermut Ataatsimiititaliamut Innersuussut:**

Allaffeqarfiup innersuussutigaa Teknikkeqarnermut Ataatsimiititaliap aamma Aningaasaqarnermut ataatsimiititaliap, Siulittaasup aalajangiinera 13.10.2021 akuersissutigissagaat:

ilanngussaq 1: Teknikkimut tunngasunut akissuteqaat aappaluttumik allasimasoq pillugu kukkuneriusut  
nalunaarutaat 38-mit tigulaagaq **akuersissutigineqassasoq.**

**Aalajangiineq:**

Paasissutissiissut tusaatissatut tiguneqarpoq.

**Ilanngussat:**

ilanngussaq 1: Teknikkimut tunngasunut akissuteqaat aappaluttumik allasimasoq pillugu kukkuneriusut  
nalunaarutaat 38-mit tigulaagaq.

**Imm. 6.3 Paasissutissiissut, Siulittaasup aaliangernera: Maniitsumi Kalaalimineerniarfiup malittarisassaanik allanngineq.**

**Journalnr. 72.00.05**

Tunuliaqutaq

November 2020-imi Kalaalimineerniarfimmi malittarisassat allagarsiullugit erseqqissaassutiginerisa kingorna piniartut innuttaasullu akornanni oqallinneq pilersinneqarpoq, pingaar-tumik erisartarfiup iluamik malittarisassaqqannginnera eqqartorneqarluni, erseqqarinnerusunillu malittarisassaqqarnissaa pisariaqarluinnartutut isigineqarpoq.

Maleruagassatigut tunngavissat

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersoq.

Teknikkimut Avatangiisinullu Ataatsimiititaliap ulloq 17.01.2005 Kalaalimineerniarfimmi maleruagassat atuutilersippai.

Pissutsit atuuttut

Maniitsumi kalaalimineerniarfiup illutaa 1997-imi sanaajuvoq, 2006-imi aammalu 2014-imi iluarsaanneqarluni.

Erisartarfimmik atuisut ilaasa oqaloqatigilaarnerisigut erisartarfiup malittarisassaqqarnissaa kissaatigineqartoq malunnarpoq.

Piniartunit innuttaasut allat erisartitsisinnaanerata ammaffigineqarpoq, appanniarfigitsilluguli erisartarfik mikiginarsisarluni, taamaammata kissaatigineqarpoq aaqqissuusaaernerusumik inger-lanneqalernissaa.

Timmissat piniagaaffii assigiinngisitaarput, piumaneqarnerpaasartullu appat piniarnissaasa killilersorneqarnerat annertunersaavoq, ukiuni kingullerni appat piniagaanerata 1. november - 15. december pisarpoq, taamaammata piffissami tassani erisartarfik ulapaarfiunerpaasarpoq.

Inunnik aaliangersimasunik erisartartoqartarpoq taakkulu piniartunit atorluarneqartarlutik, erisartitsisut kaasarfimminniit erisartut akilertarpaat.

Sisimiuni immikkut erisartarfeqqanngikkaluarlutik piniartut tuniniagassaminnik kalaalimineer-niarfimmi erisartarput, kalaalimineerniarfimmilu tuniniagassat kisimik erisarneqartarput.

Sisimiuni maskinanik qiviuiiatinik peqarput, Maniitsumi peqarnikuusimagaluarput, ajoquteqarmalli atorunnaarneqarsimalluni, pisaaqqinnikuunatillu.

Atuilluartuunerup kingunerisinnaasai

Kalaaliminernik tuniniaasarneq pinngitsoorneqarsinnaanngilaq, innuttaasuniillu atorluarneqartartoq nalunngilarput, taamaammata tuniniaaveqarnerup aaqqissugaanerata nalimmassartarnissaa piuartussaavoq.

Aningaasaqarnikkut allaffissornikkullu kingunerisinnaasai

Soqanngilaq.

Allaffeqarfiup naliliinera

Erisartarfik kalaalimineerniarfiup nioqquteqarneranut atalluinnartuuvoq, taamaammata kalaalimineerniarfimmik pilersuisut erisartarfimmik atuinissaannut salliuinneqassappata pissusissamisuus-saaq.

**Siulittaasup aaliangiinissaanut innersuussut:**

Allaffeqarfiup Teknikkemut Avatangiisinullu ataatsimiititaliap siulittaasuanut aaliangigassatut innersuussutigaa malittarisassani allannguutissatut akuerissagaa:

- Erisartarfik taamaallaat kalaalimineerniarfimmi tuniniagassanik erisarfigineqarsinnaavoq.

Kingornalu Teknikkemut Avatangiisinullu ataatsimiititaliap ataatsimiinnerani ilisimatitsissutigineqassaaq.

**Teknikkeqarnermut Ataatsimiitsitaliamut Innersuussut:**

Allaffeqarfiup innersuussutigaa Teknikkeqarnermut Ataatsimiititaliap, Siulittaasup aaliangiinera 13.10.2021-imeersoq akuersissutigissagaat

Erisartarfik taamaallaat kalaalimineerniarfimmi tuniniagassanik erisarfigineqarsinnaasoq **akuersissutigineqassasoq.**

**Aaliangerneq:**

Paasissutissiissut tusaatisstut tiguneqarpoq.

Tassunga erisaavimmik pissarsisoqarsinnaananeranut periarfissanik aammalu pisineq ingerlatsinermut missingersuutinit akilerneqarsinnaanersoq Maniitsumi allaffeqarfik misissuissaaq.

---

**Ilanngussat:**

1. Kalaalimineerniarfimmut malittarisassiaq 2005-imi Teknikkimut Avatangiisinullu Ataatsimiititaliap atuutilersitaa.
2. Pilersuisunut isumaqatigiissut.

## **Imm. 08 Tamalaat**

- Ataatsimiititaliap ataatsimiittarnrea ullaakkumut nuuneqarsinnaanersoq pillugu Karl Lyberth siunnersuteqarpoq. Siulittaasoq tusarniaaffigineqassasoq aalajangiunneqarpoq allaffeqarfiullu siunnersuutigivaa, 2022-mut ataatsimiittarnissanut ullunik piffissanillu suliamik saqqummiussassamik suliaqartoqassasoq.
- Ujakkaatarfiup eqqaani illoqarfimmik ineriartortitsinissaq pillugu Gideon Lyberth apeqquteqaateqarpoq. Maniitsumi qaartiterutissaasivimmut aamma containereqarfimmut aqquserngup ujakkaarnermi illerngit ilaat asseqqavaat, tamannalu ujakkaartartunut naammaginangilaq. Immikkoortumut illoqarfimmik ineriartortitsineq pillugu allakkiamik Maniitsumi allaffeqarfik Pilersaarusionermullu pisortaq suliaqassasut isumaqatigiissutigineqarpoq.
- Kangaamiuni iliveqarfiup tungaanut aqqusineramik suliaqarneq qanoq sivisutigissanersoq Barnabas Larsen apeqqutigivaa, akissutigineqartorlu tassaavoq, aasap tungaanut aqqusineq suliarineqassasoq. Aammattaaq timersortarfeqqap tungaanut aqqusineramik suliaqarnermit qaartiternerlukut Nukissiorfiit eqqaanni umiarsiaaqqanut inissiivimmut immiissutitut atorneqarsinnaanersut apeqqutigivaa. Timersortarfeqqap eqqaani suliffeqarfik qaartiterineramik suliaqartup tamanna aallartereerpaa, kuusineramik immiinertut iliveqarfiup tungaanut aqqusineramik maannakkut suliaqarnerminni kuussinerup sinaani qaartiternerlukut atorneqarsinnaanissaat siunertaralugu. Umiatsiaaqqanik inissiisarfimmut ujaqqanik atortussanik naammattunik peqarnermoq pillugu attaveqarfigisinnaavagut.